

出自《大寶積經卷第六十一--文殊師利授記會第十五之三》

【大唐于闐三藏實叉難陀譯】

喃謨世尊無央數大劫修菩提行堅住最上殊勝願不退轉，圓滿成就不可說不可說轉功德海廣大無比如虛空，大威德神力自在攝受饒益一切衆生所作事業興盛，百福相好端嚴微妙身八萬四千由旬高普放常樂光明周遍照耀無量無邊虛空法界最勝光明威德莊嚴王如來【誦七遍】【2022/2/2 日 2.39 P.M.更新版】

Namo bhagavate a-saṃkhyā mahā-kalpa bodhi-carya-bhāvana sthira-praṇidhāna-viśeṣa-avivartya, anabhilāpya-anabhilāpya-parivarta guṇa-sāgara audārya-parama ākāśa-upama saṃ-panne, mahā-anubhāva-ṛddhi-vaśitā-anugraha sākalya-sattvā-kṛtya saṃ-patti, śata-puṇya-lakṣaṇa deha-prāsādika catur-aśīti-sahasra-yojana bṛhan, nitya-sukha-prabhāsa samanta ava-bhāsa, ananta-madhyā ākāśa-dharma-dhātu-viśiṣṭa-tejo-anubhāva-vyūha-rājāya tathāgatāya arhate samyak-saṃbuddhāya.

**誦此梵音佛名功德：**作事永成，累積很多陰德，上天助力，百事亨通，家門興旺，病人得康，口舌是非消除，增福消業。

不空摩尼供養無央數大劫修菩提行堅住最上殊勝願不退轉，圓滿成就不可說不可說轉功德海廣大無比如虛空，大威德神力自在攝受饒益一切衆生所作事業興盛，百福相好端嚴微妙身八萬四千由旬高普放常樂光明周遍照耀無量無邊虛空法界最勝光明威德莊嚴王如來【誦七遍】【2022/2/2 日 2.39 P.M.更新版】

Om, amogha maṇi-pūjā mantra pra-sava vi-kurvite, samanta a-saṃkhyā mahā-kalpa bodhi-carya-bhāvana sthira-praṇidhāna-viśeṣa avivartya, anabhilāpya-anabhilāpya-parivarta guṇa-sāgara audārya-parama ākāśa-upama saṃpanne, mahā-anubhāva-ṛddhi-vaśitā-anugraha sākalya-sattvā-kṛtya saṃ-patti, śata-puṇya-lakṣaṇa deha-prāsādika catur-aśīti-sahasra-yojana bṛhan, nitya-sukha-prabhāsa samanta avabhāsa, ananta-madhyā ākāśa-dharma-dhātu viśiṣṭa-tejo-anubhāva-vyūha-rāja tathāgata viṣayam ā-bharaṇa gandha-sugandha maṇi-ratna gandha-puṣpa pra-varṣaṇa svāhā.

注：此佛號在大藏經里原來的名稱是《普光常多功德海王如來》。此《普放常樂光明無量功德海莊嚴王如來》的名稱，是由《積集無量辯才智慧佛》於公元 2016/11/27 日所修正及鑒定。近來再測試後發現能量並不理想，再次修改後能量提升了很多。

【1】喃謨聖光明幢菩薩【梵名翻譯正確】《聖觀世音菩薩所鑒定》

Nama ārya raśmi-dhvajāya bodhisattvāya mahāsattvāya.

此菩薩在於東方，無憂德如來佛刹【aśoka-guṇa-tathāgata-buddha-kṣetra】。

【2】喃謨聖智上菩薩【梵名翻譯正確】《聖觀世音菩薩所鑒定》

Nama ārya jñāna-agrāya bodhisattvāya mahāsattvāya.

此菩薩在於南方，智王如來佛刹【jñāna-rāja-tathāgata-buddha-kṣetra】。

【3】喃謨聖諸根寂靜菩薩【梵名翻譯正確】《世尊積集無量辯才智慧佛所鑒定》  
Nama ārya indriya-nigraha-prasāntāya bodhisattvāya mahāsattvāya.  
此菩薩在於西方，慧積如來佛刹【jñāna-ākara-tathāgata-buddha-kṣetra】。

【此菩薩梵名，於 2015/10/7 日為世尊積集無量辯才智慧佛所鑒定】

【4】喃莫聖願慧菩薩【梵名翻譯正確】《聖觀世音菩薩所鑒定》  
Nama ārya praṇidhi-jñānāya bodhisattvāya mahāsattvāya.  
此菩薩在於北方，那羅延如來佛刹【nārāyaṇa-tathāgata-buddha-kṣetra】。

聖文殊師利菩薩，現在北方去四十二恆河沙刹土《常喜世界》成佛，號《歡喜藏摩尼寶髻最勝威德力莊嚴王如來》。【2019/10/31 日 6.33 P.M.】

Namo bhagavate prasāda-garbha-maṇi-ratna-uṣṇīṣa-vijaya-tejo-bala-vyūha-rājāya tathāgatāya arhate samyak-saṃbuddhāya.

出【大正新修大藏經第十一冊 No. 0310】

《大宝积经卷第六十--文殊师利授记会第十五之三》：

爾時師子勇猛雷音菩薩白文殊師利言：仁者已滿足十地及如來十力，一切佛法悉皆圓滿，何故不成阿耨多羅三藐三菩提？文殊師利言：善男子！無有圓滿諸佛法已，更證菩提。何以故？已圓滿故，不應更證。師子勇猛雷音菩薩言：云何圓滿諸佛法耶？答言：佛法圓滿如真如圓滿，真如圓滿如虛空圓滿，如是佛法、真如、虛空亦無有二。善男子！如汝所言：云何圓滿諸佛法者，如色圓滿，乃至識圓滿，佛法圓滿，亦復如是。師子勇猛雷音菩薩言：何者是色等圓滿？文殊師利言：善男子！於意云何，汝所見色，是常耶？是無常耶？答言：不也。文殊師利言：善男子！若法非常非無常，彼有增減耶？答言：不也。文殊師利言：善男子！若法不增不減，是名圓滿。云何圓滿？若於諸法不能了知，則生分別，若能了知，則無分別，若無分別，則無增減，若無增減，此則平等。是故善男子！若見色平等，即是色圓滿；受想行識，及一切法圓滿，亦復如是。

爾時師子勇猛雷音菩薩白文殊師利言：仁者得無生法忍已來，無一念心願成正覺，而今何故乃勸餘人令向菩提？文殊師利言：我實不曾勸一眾生令趣菩提。何以故？眾生無所有故，眾生性自離故；若眾生可得，則令向菩提，既不可得，故無所勸。何以故？平等無分別故；非以平等而求平等，亦無所起，是故常說：應觀諸行，來無所從，去無所至，是名平等，則是性空，於性空中而無所求。善男子！如汝問我得無生法忍已來，無一念心得菩提者。善男子！汝見彼心耶？而以此心得菩提耶？師子勇猛雷音菩薩言：不也！文殊師利！何以故？以心非色，不可見故；菩提亦爾，但是名相；若心名、若菩提名，皆無所有。文殊師利言：善男子！如汝所說：我不生一念得菩提者，是密意說。何以故？以心本無故，是故無生，既無有生，何得有證？師子勇猛雷音菩薩問言：云何名為平等證入？答言：於諸法中，無繫著者，名平等證；言證入者，彼微細智，亦不生滅，與真如無異，無可分別，是名證入。若正見修行者，於平等中無一法可得，離種種性，亦不著一，是名證入。若以身證，諸法無相，明了彼相，所謂無相，而於身心，亦不執著，是則名為圓滿證入。師子勇猛雷音菩薩問言：云何名得？文殊師利言：善男子！以世間言說，名之為得；諸聖所得，非言能說。何以故？法無依止，離言說故。復次，善男子！以無得為得，亦非得，非不得，說名為得。

爾時師子勇猛雷音菩薩白佛言：世尊！善哉！願說文殊師利所得佛刹。佛言：善男子！汝當自問文殊師利。時彼菩薩，白文殊師利言：仁者當得何等佛刹功德莊嚴？文殊師利言：善男子！若我求菩提，汝可問所得佛刹。師子勇猛雷音菩薩言：仁者豈不求菩提耶？文殊師利言：不也！何以故？若有所求，則有染著，若有所染，則有貪愛，若有所愛，彼則有生，彼若有生，是則有愛，若有所愛，終不於中而有出離。善男子！我為是故，不求菩提。何以故？菩提不可得故！以不可得，是故不求。善男子！然汝問我，何等佛刹，仁當得者，我不能說。何以故？於佛如來一切智者前，說自佛刹功德莊嚴，即為菩薩自讚己德。佛告文殊師利：汝可自說，以何等願，莊嚴佛刹，令諸菩薩聞已，決定成滿此願。時文殊師利受如來教已，即從座起，偏袒右肩，右膝著地，合掌白佛言：世尊！我今承佛神力，當為宣說，諸有欲求大菩提者，皆應諦聽，若聞此願，當如實學，令得圓滿。爾時文殊師利以右膝著地時，十方恒河沙等諸佛刹土，六種震動。時文殊師利復白佛言：我從往昔百千億那由他阿僧祇劫已來，起如是願，我以無礙天眼，所見十方無量無邊諸佛刹中，一切如來，若非是我勸發決定菩提之心，教授教誡，令修布施、持戒、忍辱、精進、禪定、智慧，乃至令得阿耨多羅三藐三菩提者，我於菩提，終不應證，而我要當滿此所願，然後乃證無上菩提。時彼眾中，諸菩薩等，咸作是念：文殊師利無礙天眼，見幾如來？是時世尊，知諸菩薩心之所念，即告師子勇猛雷音菩薩言：善男子！譬如以此三千大千世界，碎為微塵，於意云何？此諸微塵，可以算計知其數不？答言：不也！世尊！佛言：善男子！文殊師利無礙天眼，見於東方無量諸佛，復過是數，南西北方，四維上下，亦復如是。時文殊師利白佛言：世尊！我有是願，以恒河沙等諸佛世界，為一佛刹，無量妙寶，間錯莊嚴，若不爾者，我終不證無上菩提。復次，世尊！我復有願，令我刹中，有菩提樹，其量正等，十大千界，彼樹光明，遍此佛刹。復次，世尊！我復有願，我坐菩提樹已，證得阿耨多羅三藐三菩提，乃至涅槃，於其中間，不起於座，但以變化，遍於十方無量無數諸佛刹土，為諸眾生，而演說法。復次，世尊！我復有願，令我刹中，無女人名，純菩薩眾，離煩惱垢，具淨梵行；初生之時，袈裟隨體，結加趺坐，忽然而現，如是菩薩，遍滿其刹，無有聲聞辟支佛名，唯除如來之所變化；往詣十方，為諸眾生，說三乘法。爾時師子勇猛雷音菩薩白佛言：世尊！文殊師利，當來成佛，名為何等？佛言：善男子！此文殊師利成佛之時，名為普見；以何義故而名普見？以彼如來，於十方無量百千億那由他諸佛刹中，普皆令見，若諸眾生見彼佛者，必定當得阿耨多羅三藐三菩提。普見如來，雖未成佛，若我現在，及滅度後，有聞其名者，亦皆必定當得阿耨多羅三藐三菩提，唯除已入離生之位，及狹劣心者。文殊師利復白佛言：世尊！我復有願，如阿彌陀佛刹以法喜為食，而我刹中初生菩薩，起食念時，即便百味盈滿於右手鉢中；尋作是念，若未供養十方諸佛，及施貧窮苦惱眾生、餓鬼等類，令其飽足，而我決定不應自食，作此念時，得五神通，乘空無礙，往於十方無量無數諸佛刹中，以食供養諸佛如來及聲聞眾；又於貧苦諸眾生類，亦皆周給，復為說法，令離渴愛，於一念頃，還至本處。復次，世尊！我復有願，於我刹中，諸菩薩等，初生之時，所須衣服，於其手中，隨意皆出，種種衣寶，鮮潔稱體，應沙門服；便作是念，若未供養十方諸佛，不應自用。於一念頃，往詣十方無量佛刹，以此衣寶，獻諸佛已，還至本處，方自受用。復次，世尊！我復有願，我佛刹中，諸菩薩眾，所得財寶，及諸資具，要先分施，諸佛聲聞，遍供養已，然後受用；又我刹中，遠離八難，及不善法，既無過咎，亦無禁戒，無有苦惱，諸不悅意。時師子勇猛雷音菩薩白佛言：世尊！普見如來佛刹，名為何等？佛言：彼刹名《隨願積集清淨圓滿》。師子勇猛雷音菩薩言：

世尊！彼佛世界，在何方所。佛言：在於南方，此娑婆世界，亦當在彼佛刹之中。文殊師利又白佛言：我復有願，我佛刹中，積集無量妙寶所成，復以無量摩尼妙寶，間錯莊嚴，其摩尼寶，於十方界，所未曾有，甚為難得，如是寶名，俱胝歲中，說不能盡，隨諸菩薩，樂見彼刹，金為體者，即見為金，樂見銀體，即見為銀，然於見金，未曾損減；樂見頗梨、琉璃、馬瑙、赤真珠等，無量諸寶，各隨所見，皆不相礙；如是栴檀香體、阿伽羅香，乃至赤栴檀等，各隨樂見，亦復如是；又彼刹中，不以日月，摩尼星火等光之所照見，彼諸菩薩，皆以自身光明，照於千億那由他刹；又彼刹中，以花開為晝，花合為夜，隨諸菩薩所樂時節，即皆應之，亦無寒暑，及老病死，若諸菩薩，隨其所樂，欲證菩提，即往餘刹，於兜率天壽盡，降生而證菩提，此佛刹中，無有涅槃；百千種樂，於虛空中，雖不現相，而聞其音，此樂不出貪愛聲，但出諸波羅蜜佛法僧聲，及菩薩藏法門之聲，隨諸菩薩所解妙法，皆悉得聞。又諸菩薩，若欲見佛，隨所詣處，經行坐立，應念即覩普見如來坐菩提樹；若諸菩薩，於法有疑，但見彼佛，不待解釋，疑網皆斷，解了法義。爾時會中無量百千億那由他諸菩薩眾，同聲說言：若有得聞普見佛名者，彼人便得最上善利，何況生於彼佛土中，若有得聞此文殊師利授記法門，及聞文殊師利名者，是則名為面見諸佛。是時佛告諸菩薩言：如是！如是！如汝等所說。善男子！若有受持百千億諸佛名號，若復有稱文殊師利菩薩名者，福多於彼，何況稱於普見佛名。何以故？彼百千億那由他佛，利益眾生，不及文殊師利於一劫中所作饒益。爾時眾中無量百千億那由他天、龍、夜叉、乾闥婆、阿修羅、迦樓羅、緊那羅、摩睺羅伽，人非人等，同聲唱言：南無文殊師利童真菩薩；南無普見如來應正等覺。說此語已，八萬四千億那由他眾生，發阿耨多羅三藐三菩提心，無量眾生，善根成熟，於三乘中，得不退轉。文殊師利又白佛言：我復有願，如我所見，無量無數百千億那由他諸佛世尊，而彼諸佛，所有佛刹功德莊嚴，如是一切，皆令置於我一佛刹中，唯除二乘及五濁等。世尊！若我自說佛刹功德種種莊嚴，過恒沙劫，亦不能盡，如我所願，唯佛能知。佛言：如是！如是！文殊師利！如來知見，於三世中，無有限礙。爾時眾中有諸菩薩，作如是念：文殊師利所得佛刹功德莊嚴，與阿彌陀佛刹，為等不耶？爾時世尊，知彼菩薩心之所念，即告師子勇猛雷音菩薩言：善男子！譬如有人，析一毛為百分，以一分毛，於大海中取一滴水，此一滴水，喻阿彌陀佛刹莊嚴，彼大海水，喻普見如來佛刹莊嚴，復過於此。何以故？普見如來佛刹，莊嚴不可思議故。爾時師子勇猛雷音菩薩白佛言：世尊！如是等類佛刹莊嚴，於三世佛刹，頗更有不？佛言：有。善男子！東方去此，過百億恒河沙世界，有佛刹名《住最上願》，彼中有佛，名普放常樂光明無量功德海莊嚴王如來，彼佛壽命，無量無邊，常為菩薩而演說法。善男子！彼佛刹土，功德莊嚴，與普見佛刹，等無有異。善男子！有四菩薩，被不思議弘誓之鎧，而於此願，決定成滿，亦當得此佛刹莊嚴，如普見如來。時師子勇猛雷音菩薩白佛言：願佛說彼菩薩名號及其住處，復願示彼普放常樂光明無量功德海莊嚴王如來佛刹，令此大眾，多所利益。何以故？此諸菩薩，若見聞已，於此所願，當得成滿。佛言：善男子！汝等諦聽，當為汝說。善男子！彼一菩薩，名光明幢，在於東方，無憂德佛刹；次名智上，在於南方，智王如來佛刹；次名諸根寂靜，在於西方，慧積如來佛刹；次名願慧，在於北方，那羅延如來佛刹。爾時世尊，以神通力，現普放常樂光明無量功德海莊嚴王如來佛刹，令此大會，見彼如來諸菩薩眾，及其佛刹功德莊嚴，昔所未見，亦未曾聞，而彼一切，皆不思議，無量百千億那由他摩尼妙寶，間錯莊嚴，於一劫中，說彼功德，亦不能盡；眾皆明見，如觀掌中菴摩勒果；彼諸菩薩，身長四萬二千由旬，佛身長八萬四千由旬，光明洞照，如閻浮檀

金山，成就廣大功德莊嚴，坐大菩提樹下，諸菩薩眾，恭敬圍遶，現百千億諸變化事，往詣十方諸世界中，為諸眾生，而演說法。是時佛告諸菩薩言：善男子！汝等見彼如來佛刹莊嚴菩薩眾耶？時諸大眾，同聲白言：唯然，已見，我等當學此菩薩行，如文殊師利之所修行，我等亦當成就如此莊嚴佛刹。爾時世尊，熙怡微笑，從其面門，放種種色光，照於無量無邊世界，照已還來，遶佛三匝，從其頂入。爾時彌勒菩薩白佛言：世尊！以何因緣，現此微笑？佛告彌勒：此大眾中，八萬四千菩薩，見彼佛刹莊嚴之事，雖皆發心，當欲成就如是佛刹，然於其中，有十六善大丈夫，具勝志樂，而發大心，彼能成滿，如文殊師利所起大願，餘諸菩薩，亦速當得阿耨多羅三藐三菩提，所得佛刹，功德莊嚴，如阿彌陀佛刹。彌勒當知，諸菩薩等，志樂既勝，所成亦大。志樂勝者，言我成就如文殊師利莊嚴佛土，其餘劣者，雖以信心，亦作是語，以此語業，猶能棄捨六十億百千那由他劫生死流轉，亦得圓滿五波羅蜜。爾時彌勒菩薩，見於四方，光明幢等四大菩薩，各坐琉璃光明樓閣，有百千億諸天圍遶，雨花奏樂，現大神變，震動大地，而來於此；時彌勒菩薩即白世尊，請問其事。佛言！善男子！此四菩薩，為見我故，四方如來，各令至此。時彼菩薩，既到佛所，頂禮佛足，右遶三匝，退坐一面，彼四菩薩，光明遍照，此之大會。爾時世尊，告諸菩薩言：善男子！此四善大丈夫，志願所趣，皆不思議，應當尊重，請其法要，彼等所願，於諸菩薩，最為殊勝。若有善男子、善女人，得見之者，必定當得阿耨多羅三藐三菩提，棄捨二十億劫生死流轉，具足圓滿五波羅蜜；若有女人，聞此菩薩名者，速得捨離女人之身。於是世尊即攝神力，而彼佛刹，忽然不現。文殊師利白佛言：世尊！一切諸法，皆悉如幻。何以故？譬如幻師，幻為隱現，諸法生滅，亦復如是；而此生滅，即無生滅，以無生滅，是則平等；菩薩修此平等，便能證得無上菩提。智上菩薩白文殊師利言：於此菩提，云何證得？文殊師利言：此菩提者，非是可得，亦非可壞，非可住著。智上白言：而此菩提，非以住得，非不住得。何以故？以彼法性，本來無生，非曾有，非當有，亦非可壞，是故無得。文殊師利謂智上等諸菩薩曰：云何名為說一相法門？

彌勒菩薩曰：若有不見蘊界處，亦非不見，無所分別，亦不見集散，是名說一相法門。

師子勇猛雷音菩薩曰：若不作種種分別，此是凡夫法，此是二乘法，此則不違法性，入於一相，所謂無相，是名說一相法門。

樂見菩薩曰：若有修真如行，而亦不作真如之想，於此甚深無所分別，是名說一相法門。

無礙辯菩薩曰：若能究竟盡於諸法，亦以此法為他演說，是名說一相法門。

善思菩薩曰：若以思議入不思議，此不思議亦不可得，是名說一相法門。

妙離塵菩薩曰：若有不染一切相，亦非染非不染，無違無順，亦無迷惑，非一非二，亦非種種，不取不捨，是名說一相法門。

娑竭羅菩薩曰：若有能入如海難入甚深之法，而於此法亦不分別，雖為他說而無說想，是名說一相法門。

月上菩薩曰：若於一切眾生，心行平等，猶如滿月，無眾生想，是名說一相法門。

離憂闍菩薩曰：云何拔眾生憂箭？謂我我所，是彼憂根，若能住我我所平等，是名說一相法門。

無所緣菩薩曰：若不攀緣欲界、色界、無色界；聲聞法、緣覺法，及諸佛法，是名說一相法門。

普見菩薩曰：若說法時，應說平等法，謂空法平等，亦無空想及平等想，是名說一相法門。

淨三輪菩薩曰：若說法時，應淨三輪，謂所為眾生，我不可得，亦不分別，自為法師，於所說法，而無住著，如是說法，是名說一相法門。

成就行菩薩曰：若有能說於一切法修平等行，所知如實非文字說，以一切法離言說故，是名說一相法門。

深行菩薩曰：若有能說，了達一切甚深之法，亦不見彼能說、所說及與所為，是名說一相法門。

如是無量諸菩薩等，各以辯才，演說一相法門；說此法門時，三十七億菩薩，得無生法忍；八萬四千那由他百千眾生，發阿耨多羅三藐三菩提心；七千比丘，不受諸法，盡諸有漏，心得解脫；九十六那由他諸天及人，於諸法中，得法眼淨。

爾時師子勇猛雷音菩薩白佛言：世尊！此文殊師利，久如當得阿耨多羅三藐三菩提？彼佛壽命，及菩薩眾，其數幾何？佛言：善男子！汝當自問文殊師利。時師子勇猛雷音菩薩白文殊師利言：仁者！久如當得菩提？文殊師利言：善男子！若虛空界為色身時，我乃當得無上菩提；若幻人得菩提，我乃當得；若漏盡阿羅漢即是菩提，我乃當得。若夢響光影及以化人得菩提時，我乃當得。若月照為晝，日照為夜，我乃當得阿耨多羅三藐三菩提。善男子！汝之所問，應當問彼求菩提者。師子勇猛雷音菩薩言：仁者！豈不求菩提耶？答言：不也！何以故？文殊師利即是菩提，菩提即是文殊師利。所以者何？文殊師利但有名，菩提亦但有名，此名亦離，無作故空，而彼空性，即是菩提。爾時佛告師子勇猛雷音菩薩言：汝頗見聞阿彌陀如來，聲聞菩薩諸眾會耶？唯然，聞見。佛言：其數幾何？答言：非算數思議之所能及！佛言：善男子！如摩竭國量，一斛油麻，舉取一粒，喻阿彌陀佛國聲聞菩薩，餘不舉者，喻文殊師利得菩提時菩薩眾會，復過是數。善男子！如以三千大千世界微塵數劫，比普見如來壽量劫數，百分、千分、百千億分，乃至算數譬喻所不能及。應知彼普見如來壽命，無有算數，亦無限量，如有一人，以三千大千世界，碎為微塵，第二、第三人，亦碎大千世界以為微塵，復有一人，取彼微塵，從此東行，過爾所微塵數世界，乃下一塵，又過爾所微塵數世界，復下一塵，如是次第盡諸微塵；復有第二人，亦持爾所微塵，從此南行，如前下塵，次第展轉，乃至塵盡，西方北方，四維上下，各有一人，所下塵數，亦復如是。善男子！是諸世界，可知數不？答言：不也！佛言：善男子！如是諸人，於彼十方所經世界，若著微塵及不著者，盡末為塵，於意云何，是諸微塵，可以算計知其數不？答言：不也！世尊！若有計量，心則迷亂，不能了知。佛言：善男子！諸佛如來，悉能了知，彼微塵數，設過於此，如來亦知。時彌勒菩薩白佛言：世尊！諸菩薩等，為求如是大智慧故，於大地獄，無量億劫，受諸極苦，終不應捨如是大智。佛言：彌勒！如是！如是！如汝所說，何有於此大智慧中，不生欲樂，唯除下劣及懈怠者。說此語時，一萬眾生，發菩提心。是時佛告師子勇猛雷音菩薩言：善男子！於意云何，如彼十人，經十方界，盡為微塵，文殊師利，當於爾所微塵數劫，行菩薩道。何以

故？文殊師利大願不可思議，趣向亦不可思議，得菩提已，壽量亦不可思議，菩薩眾會，亦不可思議。爾時師子勇猛雷音菩薩白佛言：世尊！文殊師利，發趣甚大，所修之行，亦復廣大，乃於爾所微塵數劫，不生疲倦。文殊師利言：如是！如是！善男子！如汝所說，於意云何，虛空界有如是念：度於晝夜、時節、歲月、劫數等耶？答言：不也。文殊師利言：如是！善男子！若有覺一切法等於虛空，彼微細智無有分別，亦無是念，度於晝夜、時節、歲月、諸劫數等。何以故？彼於諸法，無想念故。善男子！如虛空界，無有疲倦及熱惱想。何以故？設過恒河沙劫，而虛空界亦無生起，亦無燒滅，非可破壞。何以故？以虛空界無所有故。如是，善男子！若菩薩了一切法無所有已，亦無熱惱及疲倦等。善男子！彼虛空名，亦無燒滅熱惱疲倦，亦不動搖，不生不老，不來不去；文殊師利名號亦爾，無有熱惱及疲倦等。何以故？名字性離故。說此法時，四大天王、釋提桓因、梵天王等，及餘大威德諸天子等，同聲唱言：是諸眾生，聞此法門，獲大善利，何況受持讀誦，當知彼等所成善根，極為廣大。世尊！我等於此法門，受持讀誦，廣宣流布，為欲護持此深法故。爾時師子勇猛雷音菩薩白佛言：世尊！若有得聞如此法門，受持讀誦、思惟，及發如此功德莊嚴佛刹之心，得幾所福？佛言：善男子！如來以無礙佛眼，所見諸佛及彼刹土，若有菩薩，以妙七寶滿彼諸刹，奉施供養一一如來，各盡未來際，令此菩薩安住淨戒，於一切眾生得平等心；若有菩薩，於此莊嚴功德佛刹法門，受持讀誦，復能發心，隨文殊師利所學，行於七步，此二功德，比前七寶布施功德，百分不及一，乃至算數譬喻所不能及。爾時彌勒菩薩白佛言：世尊！當何名此法門，我等云何奉持？佛言：此法門名為諸佛遊戲、亦名諸願究竟、亦名文殊師利功德莊嚴佛土、亦名令發菩提心，菩薩歡喜、亦名文殊師利授記，如是受持。爾時十方諸來菩薩，為欲供養此法門故，而雨眾花，讚言：希有世尊！希有世尊！我等乃得聞是不思議文殊師利師子吼莊嚴法門，時諸菩薩，說是語已，各還本土。說此法時，恒河沙等菩薩，得不退轉，無量眾生，善根成熟。爾時文殊師利，即入菩薩出生光明普照如幻三昧，入三昧已，令此眾會，普見十方無量無邊諸佛刹中一切如來，一一佛前，皆有文殊師利說自佛刹功德莊嚴；眾會見已，於文殊師利殊勝大願生希有心。佛說是經已，彼一切菩薩，及諸比丘、比丘尼、優婆塞、優婆夷、天、龍、夜叉、乾闥婆、阿修羅、迦樓羅、緊那羅、摩睺羅伽、人非人等，聞佛所說，皆大歡喜，信受奉行。

## 大寶積經卷第六十

---

【經文資訊】大正新脩大藏經第 11 冊 No. 0310 大寶積經

【版本記錄】CBETA 電子佛典 Rev. 1.39 (Big5), 完成日期：2007/12/13

【編輯說明】本資料庫由中華電子佛典協會 (CBETA) 依大正新脩大藏經所編輯

【原始資料】蕭鎮國大德提供，維習安大德提供之高麗藏 CD 經文，北美某大德提供

【其他事項】本資料庫可自由免費流通，詳細內容請參閱【中華電子佛典協會版權宣告】

---

